



ORDENANZA NÚM: 22

ORDENANZA FISCAL REGULADORA DA TAXA POR TENDIDOS, TUBERÍA E GALERÍAS PARA AS CONDUCCIÓN DE ENERXIA ELÉCTRICA, AUGA, GAS OU CALQUERA OUTRO FLUÍDO INCLUÍDOS OS POSTES PARA LIÑAS, CABLES, PALOMILLAS, CAIXAS DE AMARRE, DE DISTRIBUCIÓN OU DE REXISTRO, TRANSFORMADORES, RAÍS , BÁSCULAS, APARATOS PARA A VENDA AUTOMÁTICA E OUTROS ANÁLOGOS QUE SE ESTABLEZAN SOBRE AS VÍAS PÚBLICAS OU OUTROS TERREOS DE DOMINIO PÚBLICO MUNICIPAL OU VOEN SOBRE OS MESMOS.

Artigo 1º.-FUNDAMENTO E NATUREZA.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de Abril, reguladora das Bases de Réxime Local, e de conformidade co disposto nos artigos 15 a 19 Lei 38/1988, de 28 de Decembro, acorda a imposición e ordenación da **Taxa por tendidos, tuberías e galerías para as conducións de enerxía eléctrica, auga , gas ou calquera outro fluído incluídos os postes para liñas, cables palomillas, caixas de amarre, de distribución ou rexistro, transformadores, raís, básculas, aparatos para a venda automática e outros análogos que se establezan sobre as vías públicas ou outros terreos de dominio público municipal ou voen sobres os mesmos.**

Artigo 2º.-FEITO IMPOÑIBLE.

Constitúe o feito imponible desta taxa a utilización ou aproveitamento especial do dominio público municipal polos conceptos que se sinalan no título da taxa.

Artigo 3º.-SUXEITO PASIVO.

Son suxeitos pasivos desta taxa as persoas físicas ou xurídicas e as entidades ás que fai referencia o artigo 33 da Lei Xeral Tributaria que gocen, ou aproveiten especialmente o dominio público local en beneficio particular, consonte algún dos supostos citados no feito imponible.

Artigo 4º.-RESPONSABLES.

1. Serán responsables solidarios das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

Artigo 5.-COTA TRIBUTARIA.

A cota desta taxa será a que figura no anexo desta ordenanza.

Artigo 6.-BENEFICIOS FISCAIS.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.



Artigo 7.-PERCEPCIÓN.

Percíbese a taxa e nace a obriga de contribuír:

-Nos servizos de retribución puntual, no momento de presentar a solicitude de concesión ou autorización do aproveitamento.

-Nos servizos de retribución periódica, percibirase a taxa o día primeiro de cada ano natural.

Artigo 8º.-LIQUIDACIÓN.

-Cando se trate de servizos puntuais, liquidarase e esixirase a taxa correspondente en calidade de depósito previo, en todo caso, antes de iniciarse o trámite do expediente de concesión ou autorización do aproveitamento solicitado.

-Cando se trate de servizos de retribución periódica, liquidarase e esixirase a taxa nos períodos que se sinalen na tarifa desta taxa ou na liquidación única anual.

-Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento Xeral de Recadación para a liquidación de contraído previo, sen prexuízo de abrir o oportuno expediente sancionador por infracción tributaria.

Artigo 9º.-INGRESO.

O pagamento desta taxa realizarase:

-Nas liquidacións de contraído previo, na Tesourería municipal ou nas entidades financeiras que na notificación se sinalen. En todo caso, o ingreso será anterior ao inicio do expediente de concesión ou autorización do aproveitamento interesado.

-Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón

Artigo 10º.-INFRACCIÓN E SANCIÓN.

Nesta materia estarase ao disposto na Lei Xeral Tributaria e normativa de desenvolvemento.

Artigo 11.-NORMAS DE XESTIÓN.

-As persoas ou entidades interesadas na concesión ou autorización para realizar os aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento, e da súa situación dentro do termo municipal. Antes da autorización ou concesión do aproveitamento, a persoa ou entidade interesada no aproveitamento aboará o importe da taxa en calidade de depósito previo.

-No caso de denegarse as autorizacións, os interesadas poderán solicitar a devolución da taxa ingresada en calidade de depósito previo.

Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

- Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ao de presentación da mesma, podendo, no seu caso, prorratearse por meses. A non presentación da baixa determinará a obriga de continuar aboando a taxa.

DISPOSICIÓN FINAL.

A presente ordenanza fiscal, cunha redacción definitiva aprobada polo Pleno da Corporación na sesión que tivo lugar na data que se expresa no anexo desta ordenanza, entrará en vigor o día 1 de xaneiro de 1999.



Concello de
SOUTOMAIOR
PONTEVEDRA

ANEXO

PRIMEIRO. TARIFA:

As empresas explotadoras de servizos de subministros (tanto si son titulares das correspondentes redes a través das que se efectúan os subministros como se non son titulares de ditas redes o son de dereitos de uso, acceso ou interconexión ás mesmas) que resulten de interese xeral ou afecten a unha parte importante ou á xeneralidade da veciñanza, polo conxunto dos distintos elementos das súas redes de distribución pagarán:

- *1,5% dos ingresos brutos procedentes da facturación que obteñan anualmente no termo municipal.

A estos efectos incluíranse entre as empresas explotadoras de ditos servizos as empresas distribuidoras e comercializadoras dos mesmos.

Aprobacion definitiva 1 de Outubro de 1998
PUBLICACION NO B.O.P. NÚM.249 do 30 de Decembro de 1998

Modificacións:

APROBACION DEFINITIVA: 1 de Outubro de 1998.
PUBLICACION NO B.O.P. Núm. 249 do 30 de Decembro de 1998.
APROBACIÓN DEFINITIVA 30 de Outubro de 2003.
PUBLICACIÓN NO B.O.P. Núm. 247 do 23 de Decembro de 2003